

景明刻本紀錄彙編

卷之四

目錄

卷之四

紀錄彙編卷之六

御製周顛僊人傳

洪武

顛人周姓者自言南昌屬郡建昌人也年一甲有四  
歲因患顛疾父母無暇常拘於是顛入南昌乞食於  
市歲如常顛如是更無他往元至正間失記何年忽  
入撫州一次未幾仍歸南昌有時施力於市戶之家  
日與儔人相雜暮宿閭閻之下歲將三十餘歲有異  
詞凡新官到任必謁見而訴之其詞曰告太平此異  
言也何以見當是時元天下承平將亂在邇其顛者

故發此言乃曰異詞不數年元天下亂所在英雄據險殺無寧日其稱僞漢陳友諒者帥烏合之衆以入南昌其顛者無與語也未幾朕親帥舟師復取南昌城降朕撫民既定而歸建業於南昌東華門道左見男子一人拜於道傍朕謂左右曰此何人也左右皆曰顛人朕三月歸建業顛者六月至朕親出督工逢顛者來謁謂顛者曰此來爲何對曰告太平如此者朝出則逢之所告如前或左或右或前或後務以此言爲先有時遙見以手入帽襟中似手討物以手置口中問其故乃曰蟲子復謂曰幾何對曰二三斗此

等異言大槩知朕之不寧當首見時卽言婆孃及又  
鄉談中常歌云世上甚麼動得人心只有胭脂胚粉  
動得婆孃嫂裏人及問其故對曰你只這般只這般  
每每如此及告太平終日被此顛者所煩特以燒酒  
醉之暢飲弗醉明日又來仍以蟲多爲說於是製新  
衣易彼之舊衣新衣至朕視顛者舊裙腰間藏三寸  
許菖蒲一莖謂顛者曰此物何用對曰細嚼飲水腹  
無痛朕細嚼水吞之是後顛者日顛不已命蒸之初  
以巨缸覆之令顛者居其內以五尺圍蘆薪緣缸煨  
之薪盡火消揭缸而視之儼然如故是後復蒸之以

五尺圍蘆薪一束半以缸覆顛者於內周遭以火煨之煙消火滅之後揭缸而視之儼然如故又未幾時以五尺圍蘆薪兩束半以缸覆顛者於內煨煉之薪盡火消之後揭缸視之其煙凝於缸底若張綿狀顛者微以首撼撼小水微出卽醒無恙命寄食於蔣山寺主僧頌之月餘僧來告顛者有異狀與沙彌爭飯遂怒不食今半月矣朕奇之明日命駕親往詢視之至寺遙見顛者來迓步趨無艱容無饑色是其異也因盛設饌同享於翠微亭膳後朕密謂主僧曰令顛者清齋一月以視其能否主僧如朕命防顛者於一

室朕每二日一問問至二十有三日果不飲膳是出  
凡人也朕親往以開之諸軍將士聞之爭取酒殷以  
供之大飽弗納所飲食者盡出之良久召至朕與共  
享食如前納之弗出酒過且酣先於朕歸道傍側道  
右邊待朕至及朕至顛者以手畫地成圈指謂朕曰  
你打破個桶做一個桶發此異言當是時金陵村民  
聞之爭邀供養一日逢後生者俄出異詞噫教你克  
軍便克軍又閒中見朕常歌曰山東只好立一個省  
未幾朕將西征九江特問顛者曰此行可乎應聲曰  
可朕謂顛者曰彼已稱帝今與彼戰豈不難乎顛者

故作顛態仰面視房之上久之穩首正容以手拂之  
曰上面無他的朕謂曰此行你偕往可乎曰可詢畢  
朕歸其顛者以平日所持之拐擎之急趨朕之馬前  
搖舞之狀若壯士揮戈之勢此露必勝之兆後兵行  
帶往至皖城無風舟師難行遣人問之顛者乃曰只  
管行只管有風無膽不行便無風於是諸軍上牽以  
舟泊岍沂流而上不二三里微風漸起又不十里大  
風猛作揚帆長驅遂達小孤朕曾謂相伴者曰其顛  
人無正語防閑之儻有謬詞來報馬當江中江豚戲  
水顛者曰水怪見前損人多伴者來報朕不然其說

顛巢無知棄溺於江中至湖口失記人數約有十七  
八人將顛者領去湖口小江邊意在溺死去久而歸  
顛者同來問命往者何不置之死地又復生來對曰  
難置之於死語未既顛者猝至謂朕欲食朕與之食  
食既顛者整頓精神衣服之顛若遠行之狀至朕前  
鞠躬舒項謂朕曰你殺之朕謂曰被你煩多殺且未  
敢且縱你行遂糗糧而往去後莫知所之朕於彭蠡  
之中大戰之後回江上星列水師以據江勢暇中試  
令人往匡廬之下顛者所向之方詢土居之民要知  
顛者之有無地荒人無惟太平宮側草莽間一民居

之以顛者狀云之謂民人曰是曾見否對曰前者俄  
有一瘦長人物初至我處聲言好了我告太平來了  
你爲民者用心種田語後於我宅內不食半月矣深  
入匡廬無知所之朕戰後歸來癸卯圍武昌甲辰平  
荆楚乙巳入兩浙丙午平吳越下中原兩廣福建天  
下混一洪武癸亥八月俄有赤腳僧名覺顯者至自  
言於匡廬深山巖壑中見一老人使我來謂大明  
天子有說問其說乃云國祚殿廷儀禮司以此奏朕  
思方今虛誑者多朕馭宇內至尊於黔黎之上奉上  
下於兩間善聽善見恐貽民笑故不見不答是僧伺

候四年仍往匡廬意在欲見朕不與見但以詩二首寄之去後二年使人詢之果曾再見否其赤脚者云不復再見又四年朕患熱症幾將去世俄赤脚僧至言天眼尊者及周顛僊人遣某送藥至朕初又不欲見少思之旣病人以藥來雖真假合見之出與見惠朕以藥藥之名其一曰溫良藥兩片其一曰溫良石一塊其用之方金盆子盛著背上磨著金酸子內喫一酸便好朕遂服之初無甚異初服在未時間至點燈時周身肉內搐掣此藥之應也當夜病愈精神日強一日服過三番乃聞有菖蒲香盞底有丹砂沈墜

鮮紅異世有者其赤腳僧云某在天池寺去崑有五  
里餘俄有徐道人來言竹林寺見詩往視之某與同  
往見天眼尊者坐竹林寺中少頃一披草衣者入某  
謂天眼曰此何人也對曰此周顛是也方今人主所  
詢者此人也卽今人主作熱爾當送藥與服之天眼  
更云我與顛者和人主詩某問曰詩將視看對曰已  
寫於石上某於石上觀之果有詩二首朕謂赤腳曰  
還能記乎曰能卽命錄之見其詩麤俗無韻無聯似  
乎非詩也及遣人詣匡廬召至使者至杳然矣朕復  
以是詩再觀其詞其字皆異尋常不在鑄巧但說事

耳國之休咎存亡之道已決矣故紀之以示後人

附錄

御製祭天眼尊者周顛僊人徐道人赤脚僧文

昔者具色相空萬物而空濛外色相而離之以存一  
靈斯若是歷萬劫於無量今者神神妙用幽隱於廬  
嶽獨爲朕知而濟朕雖然朕終不佞於利濟之恩當  
以禮謝雖然神已靈妙不測矣尋常無礙於上下逍  
遙乎兩間周遊乎八極翫閱人情粹然禮至杳然弗  
應豈不爲世所嗤故先期京師已告諸祠又遣使至  
廬嶽之下禱於廬嶽之神方以禮進禮不過謝而已

矣今世之人知幽明之理者鮮矣敢請倏然而顯倏然而隱使善者慕而不得惡者見而難親豈不有補於世道者歟

御製赤腳僧詩

跣足慇懃事有秋苦空巔際孰爲儔  
愆消累世冤魂斷幻脫當時業海愁  
方廣昔聞僊委跡天池今見佛  
來由神憐黔首增吾壽丹餌來臨久疾瘳

御製群僊古詩

匡廬之巔有深谷金僊弟子巖爲屋  
鍊丹利濟幾何年朝耕白雲暮種竹

天眼尊者詩

聖主祥瑞合天基如影隨形總是癡奉天門下洪福  
大生靈有難不肯醫非非想處方出定金輪積位四  
海居明君有道乾坤廣等閒一智聲如雷

周顛僊人詩

初見 聖主合天基一時風來一時癡逐片俱來籬  
一桶浩大乾坤正此時人君自此安邦定齊天洪福  
謝恩馳我王感得龍顏喜大興佛法當此時

紀錄彙編卷六終

廣信府同知鄒 潘

推官方 重校正

臨江府推官袁長馭

上饒縣學教諭余學申對讀  
湖州府後學吳仕旦覆訂

紀錄彙編卷之七

御製廣寒殿記

宣德

北京之萬歲山在宮城西北隅周迴數里而崇倍之  
皆奇石積疊以成巍巍乎轟轟乎嶢峣峻削盤迴起  
伏或陡絕如壑或巖巖如屋左右二道宛轉而上步  
躡屢息乃造其巔而飛樓複閣廣亭危榭東西拱向  
頽仰輝映不可殫紀最高者爲廣寒殿崇棟飛檐金  
鋪玉砌重丹疊翠五彩煥焉軼雲霞納日月高明閭  
爽而北枕居庸東挹滄海西挾太行嵩岱並立乎前